

Headline	Penjelasan Tabung Haji berhubung pembahagian bonus dan bonus tambahan		
MediaTitle	Utusan Malaysia		
Date	11 Feb 2014	Color	Black/white
Section	Letters	Circulation	173,387
Page No	22	Readership	699,000
Language	Malay	ArticleSize	133 cm ²
Journalist	N/A	AdValue	RM 1,733
Frequency	Daily	PR Value	RM 5,199



Penjelasan Tabung Haji berhubung pembahagian bonus dan bonus tambahan

SAYA dengan hormatnya merujuk kepada perkara di atas berkaitan maklum balas yang dikirinkan oleh Haji Mohamad keluaran *Forum* 5 Februari 2014. Tabung Haji amat menghargai pandangan semua pendeposit berkaitan pengumuman bonus pendeposit Tabung Haji bagi tahun kewangan 2013 baru-baru ini. Objektif utama penubuhan Tabung Haji adalah untuk membantu rakyat Malaysia beragama Islam yang kurang berkemampuan, menyimpan

sedikit demi sedikit untuk menunaikan fardu haji yang wajib sekali seumur hidup. Untuk pengetahuan semua, akaun simpanan di Tabung Haji adalah berlandaskan konsep Al Wadiah Yad Dhamanah dan simpanan tersebut dijamin oleh kerajaan.

Berdasarkan konsep simpanan

ini, tiada jaminan terhadap kadar pulangan tahunan bagi simpanan tersebut boleh diberikan oleh pihak pengurusan tetapi sekiranya ada pulangan maka ianya akan bergantung kepada prestasi kewangan tahun semasa serta budi bicara pihak pengurusan Tabung Haji.

Syukur Alhamdulillah, prestasi Tabung Haji pada 2013 adalah baik. Pemberian bonus tahunan pada kadar 6 peratus telah diumumkan kepada semua pendeposit. Bonus yang diumumkan adalah kompetitif sekiranya dibandingkan dengan kadar pulangan Akaun Deposit Tetap Perbankan Islam dan konvensional.

Selaras dengan hasrat dan matlamat Tabung Haji untuk membantu umat Islam menunaikan haji dan berlandaskan konsep simpanan Al Wadiah Yad Dhamanah, maka Ta-

bung Haji telah memberi bonus tambahan (bonus haji) pada kadar 2 peratus kepada para pendeposit yang belum menunaikan haji.

Pemberian bonus haji adalah untuk meningkatkan simpanan para pendeposit yang masih belum mempunyai kemampuan untuk melaksanakan Rukun Islam yang kelima.

Pemberian bonus haji ini dikira berdasarkan dua peratus daripada bayaran haji semasa iaitu RM9,980. Jumlah pulangan maksimum bonus haji ini berjumlah RM199.60.

Untuk maklumat pembaca juga, daripada 8.3 juta pendeposit Tabung Haji, seramai 7.7 juta (93.0 peratus) pendeposit tersebut masih belum menunaikan haji.

ANIS ZUHANI AHMAD
Pengurus Besar Tabung Haji